

**BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
Broj: 04-011-45198  
Sarajevo, 18. maja 1998. godine**

**ZAPISNIK**

**9. sjednice Doma naroda Parlamentarne skupštine Bosne i Hercegovine,  
održane 18. maja 1998. godine u Lukavici**

Devetom sjednicom Doma naroda Parlamentarne skupštine Bosne i Hercegovine predsjedavo je gospodin Petar Majić, predsjedavajući Doma naroda.

Za sjednicu je predložen sljedeći

**DNEVNI RED:**

1. Usvajanje zapisnika 8. sjednice Doma naroda Parlamentarne skupštine Bosne i Hercegovine,
2. Prijedlog zakona o grbu Bosne i Hercegovine,
3. Prijedlog zakona o politici direktnih stranih ulaganja u Bosni i Hercegovini,
4. a) Sporazum Vijeća ministara Bosne i Hercegovine i Vlade Kraljevine Belgije o dodjeli finansijske pomoći Bosne i Hercegovine,  
b) Prijedlog zakona o izmjenama i dopunama Zakona o carinskoj politici,  
c) Stand by aranžman sa MMF (Međunarodni monetarni fond),
5. Zastupnička pitanja.

**AD-1.**

Poslanik Salih Kulenović imao je primjedbu na zapisnik 8. sjednice Doma naroda u smislu da se njegovo istupanje oko utvrđivanja dnevnog reda proširi raspravom o dosadašnjem provođenju Anexa VII Dejtonskog sporazuma. To u zapisniku nije korektno preneseno. Isto tako, gospodin Kulenović imao je primjedbu što se njegovo poslaničko pitanje o tome - zašto mu se na sva dosadašnja pitanja nije odgovorilo u vezi donošenja temeljnih zakona na nivou Bosne i Hercegovine.

Ove primjedbe gospodina Kulenovića su prihvaćene.

**AD-2.**

U raspravi su učestvovali: Mirsad Ćeman, Salih Kulenović, Avdo Čampara i Mariofil Ljubić.

Izjašnjavalo se o tri grafičke varijante izgleda grba Bosne i Hercegovine koje je dostavio Ured visokog predstavnika u BiH.

Za varijantu a) za, suzdržanih i protiv nije bilo.

Za varijantu b) pet zastupnika je glasalo za, suzdržanih i protiv nije bilo.

Na osnovu provedenog glasanja konstatovano je da ni jedan od predloženih izgleda grba Bosne i Hercegovine nije dobio potrebnu većinu glasova.

### **AD-3.**

U raspravi je učestvovao poslanik Adem Borić.

Gospodin Borić je izrazio mišljenje da će na dnevnom redu Doma naroda ubrzo biti i Zakon o državnoj granici kao i Zakon o privatizaciji, kao i drugi zakonski akti koji su pretpostavka za realizaciju ovog zakona o privatnim investicijama, zamolvši Vijeće ministara da u što kraćem roku ponudi za raspravu Zakon o privatizaciji.

Nakon diskusije gospodina Borića poslanici su usvojili Prijedlog zakona o politici direktnih stranih ulaganja u Bosni i Hercegovini.

### **AD-4.**

- Jednoglasno je usvojen Sporazum Vijeća ministara Bosne i Hercegovine i Vlade Kraljevine Belgije o dodjeli finansijske pomoci Bosni i Hercegovini.

- Jednoglasno je usvojen Prijedlog zakona o izmjenama i dopunama Zakona o carinskoj politici.

- Jednoglasno je usvojen stand by aranžman sa međunarodnim monetarnim fondom.

### **AD-5.**

U raspravi su učestvovali: Avdo Čampara, Mariofil Ljubić i Mirsad Ćeman.

Gospodin Čampara je tražio da Vijeće ministara razmotri Sporazum između Vlade SAD i Vlade BiH o ekonomskoj, tehničkoj i srodnoj pomoći za BiH i da se vidi da li je potrebno da skupština da saglasnost na narednoj sjednici Doma naroda.

Gospodin Ljubić je pitao kada će Vijeće ministara, u skladu sa svojim ustavnim ovlašćenjima, ponuditi za raspravu materijal o provedbi Aneksa VII Dejtonskog sporazuma.

Odgovarajući na pitanje gospodina Ljubića, kopredsjedavajući Vijeća ministara gospodin Haris Silajdžić je odgovorio da Vijeće ministara ima Nacrt zakona koji tretira problematiku iz Anexa VII Dejtonskog sporazuma, ali koji još nije usaglašen na Vijeću ministara.

Gospodin Ćeman je pitao da li postoji mogućnost da poslanici Doma naroda dobijaju sve službene novine iz oba entiteta, radi lakšeg uvida u zakonodavnu regulativu i aktivnosti parlamenata Federacije BiH i Republike Srpske.

Ovim je deveta sjednica doma naroda Parlamentarne Skupštine Bosne i Hercegovine završila s radom.

**PREDSJEDAVAJUĆI  
DOMA NARODA  
PARLAMENTARNE SKUPŠTINE BiH  
Petar Majić, s.r.**